

中国西北稀见方志



中国公共图书馆古籍文献珍本汇刊

中国西北稀见方志(五)

中华全国图书馆文献缩微复制中心



中国西北稀见方志目录 (五)

甘肃通志稿

卷九十一	人物九	清三		一
卷九十二	人物十	清四		五一
卷九十三	人物十一	清五		一〇一
卷九十四	人物十二	清六		一五三
卷九十五	人物十三	清七		一九七
卷九十六	人物十四	列女	汉至明	二二三
卷九十七	人物十五	列女	清一	二七三
卷九十八	人物十六	列女	清二	三二一
卷九十九	人物十七	列女	清三	三五九
卷一百	人物十八	列女	清四	四〇七
卷一百一	人物十九	列女	清五	四五七



卷一百二	人物二十	列女	清六	四八九
卷一百三	人物二十一	列女	清七	五二九
卷一百四	人物二十二	列女	清八	五六三
卷一百五	人物二十三	列女	清九	五九九
卷一百六	人物二十四	列女	清十	六四九
卷一百七	人物二十五	列女	清十一	六八七
卷一百八	人物二十六	列女	清十二	七一九
卷一百九	人物二十七	寓賢		七四五

甘肅通志稿

卷九十一

人物九清三

甘肅通志卷九十一

人物九

清三

楊名顯字心虞雷蛟字鳳飛皆秦州人名顯以舉人除山西汾陰令以治最權刑部主事進郎中恤刑山東多所平反出為廣東布政使除積弊省民財無算蛟回民材武絕倫崇禎十三年聞賊黨掌律王陷秦州密覲時日屠城蛟陰結壯士為援偵偽王之出潛伏阨路突起斬之從賊皆駭散分踞之賊並殲焉以功擢遊擊順治三年以破伏羌之賊功勅賜金牌

趙甫字文山石作瑞字輯五皆秦州人均有文材甫賦性穎敏弱冠補諸生入貢後肄業國子監銓受吳堡知縣調走長華經生之俗盡補置山縣創修學宮壇廟陞太倉知州達知淮安府以治最調蘇州劉積獎因公案獲効力軍營卒作瑞九歲工詩有奇句拔萃試優等以知縣分發四川初署清溪以才題補吏流歷權什邡綿竹安縣彭縣華陽所履皆有政蹟權知資州保升保甯府知府以軍功賞戴花翎升授川南永寧道參贊軍營以積勞卒

劉思敬字嚴若劉維孝字子述皆秦州人均以文士舉縣而未盡其才思敬先以拔貢任高台縣教諭課士之暇恆教民織紡升新江慶元知縣政聲方起遽引歸維孝有文名以拔貢授州判分發江蘇居署華亭婁縣二丞一日念母老遽呈請歸養依寢膳親為之忘老輯宗譜修先塋宅憂復起復借補金山縣丞委署震澤

縣事擒巨盜戮其黨民為立長生牌督高家堤工日夜行泥淖
中大府賢之題詞崇明未赴任以勞卒

蒲璋倪士冠雷舒和皆秦州人璋族兄珩以進士授廣西藤縣知
縣獎善懲惡有明幹稱時三桂敗珩已著珩遂引退璋舉順治丁

酉鄉試授富平教諭升肅州衛教授捐俸重修文廟教諸生以禮
義儉俗革烏士冠由貢生官華昌府訓導見邑士作字無師法多

購顏魯公帖教之臨摹皆調教煌化洽肅保舉知縣未赴而卒
舒和亦以貢生訓導扶風革學署西規邑士為製文頌德性廉介

在官終不釋褐三人皆以訓士知名璋尤善教子本清以貢生任
韓城訓導常署縣事有善政韓城人為立去思碑本澤讀書有偉

識以監生授縣丞効力河工久之徑棄去本營最好學康熙丁酉
與於鄉會試旅辛州人感惜之

萬壽字穎先秦州人四歲時即能斷文契之句比就傅博通經
義旁涉孫吳書稍長挾書走河西詣靖逆侯提督張勇召為勇壯

而留之與幕下奇士宋石之遊盡得其天文地理孤虛營陣之學
時勇以收復隴右功得專賞守令命以軍功攝縣令掄固辭但

受帶歸歸乃補州學生員食微貲團學然父母已前卒遂潛居不
仕當道以禮招之亦不往有就問天文兵法者終不以告曰儒者

方講孔孟書安事此也

胡恆升字九如秦州明太常卿恆孫也五歲而孤哀毀成人入庠

後貢太學得授州同職以養母故不出性好施嘗分田廬資姻戚
捐地置義冢二州東馬跑泉有水田五百餘畝盡畀族人之失業

者至今賴養焉吳逆之亂靖逆侯張勇至秦與恆升語大奇之檄
令攝狄通州事且欲用諸朝臣升以母老堅辭

恆修士子廉儒秦州庠生胡志寅字書成恆升兄子也修士居家
孝友工文章善談論嘗與清水知縣張某論經史於署中終歲不

輟後因父病棄舉業讀書遂積其業父歿幼弟未周時修士
新娶婦即飲以下乳約令哺之嘗拾金於道追還其人或負修士

金病且死修士遠出券付之志寅九歲而孤居喪如禮事母孝事
恆升若父由諸生入太學考授縣丞以養母不仕歲飢穀踊貴悉

出私粟周貧乏有負其債者將破產以償志寅聞之急還其券
吳殿契秦州人嘗拾遺金訪還失主冬夜偷兒穿其屋呼告曰天

寒胡為來此好去吾不洩也後遠出遇盜中一人止眾勿前蓋即
向偷兒去

胡端字子敬明太常卿恆孫也十三居父喪哀毀如成人人事母
極謹母病甚稽顙額天求代一夜鬚髮盡白母疾果得愈少入太

學以養母未坐監中年治經濟之學南遊江淮徧交其達人聞三
年乃歸晚而返之靜一手錄朱子大全近思錄暨薛敬軒馮少墟

集中精語以為省身之助與伏羌華介亭通渭李青峰講學論文
為忘年交武功孫爾峰講道閭中一見端即目為畏友嘗致書商

訂學術為端既殫心正學行誼尤卓嘗倡建胡氏宗祠又募修秦州文廟躬自督工者閱二寒暑母喪過毀未及葬而歿歿之前夕猶為子錫錫講大學為州人士公舉孝子請旌

白貢揚秦州增生讀書不治章句以躬行心得為詣力事親誠養居母喪三年足不至內室閑享二曲講學閑中裹糗往訪之事與談而喜曰此真讀書種子也然子老矣書不必多讀祇於身心體驗處著力可也既歸乃絕意科名惟讀近思反身二錄而已

吳炳高我猷皆秦州庠生劉微與貢生也吳氏世襲指揮炳獨聰穎勤學尤善教人每課文榜塾門嚴如官試士我猷喜讀書而性嚴整行步不苟亦善教人多成立者微與耿介不隨士人服之多遊焉

提經緯鄭選士皆秦州人均有聲聞經緯以增生從軍於蜀議敘知縣署富順遂溪補西昌以能擢權賓州選士以進士即用分發貴州恩署大邑補清平縣值防務孔棘營官索充軍費奉委赴川隴募捐黔儼一錢無私勞瘁而卒

白虎秦州營校也積軍功授廣東澄海協都司康熙十三年潮陽總兵劉進忠將反撤虎挾子崇賢星夜來郡至則款接有加而置兵防出入虎徐覺其謀涕泣誓必死一日傳虎庭參諭令易帽曰頭可斷帽不可易令翦辮曰頭可截辮不可翦遂厲聲叱進忠責

其狂悖作逆左右請兵之進忠愛其勇不忍殺命置之別室飛騎拘其妻張氏孫士俊至營挾以為質虎與同志陰謀遣人赴會城請兵謀洩將就刑謂崇賢曰食人之祿者死人之事我死分也爾未受祿曲存宗祀可耳崇賢對曰父為忠臣子從叛逆將何顏仰視日月得從阿爹於地下免之幸也父子俱頸就刃觀者皆為之流涕虎死後張氏得脫繫攜士俊行乞於市賊平後贈卹加等士俊以廢校守備

梁必撰蕭致祥侯萬里劉世名皆秦州人皆以孝友傳家必撰五世同居妻陳氏主家五十餘年長幼百口無間言致祥謹事嫡母亦五世同堂萬里以禦寇有功授兵備道屬守備力挽千鈞彈能中飛而家庭雍睦內行敦篤溫雅工詞曲人謂有儒將風世名官秦州營把總以功加參將衛其父負人數百金父卒年久人已不索償矣世名盡所得銀報償之與弟芳名同居弟用財揮霍世名絕不檢校

曹仁氏秦州人雍正中庠生十歲喪母哀毀如成人事父尤孝父患惡疽口吸其膿血至盡得無痛苦父歿五日始能飲粥葬後廬墓三年繼母嬰痼疾出入必親負背以母常茹素居喪後遂不食肉飲酒年八十餘值父母生忌辰猶令子孫扶掖入祠展拜悲哀里人慕之公舉孝行得旌

羅宏恩秦州人貧而尚義族人某祇一子客蜀流落於村氏家

宏齋商貨入蜀訪求數年得之贅主固不放歸訟之官官斷令財贖乃傾裝貨贖歸為娶妻生子一房宗祀得不絕子弟及支屬游泮登科堪眾

潘鳳聲秦州人乾隆甲午科舉人安貧積學每借得人書窮日夜手鈔遂積至等身與通渭魏鶴亭南輝相師友學品皆齊名生平無詭言贅行里人呼為潘聖人孫尊賢舉人官江西知縣

張麗字玉樸秦州人善事繼母喜讀書以選拔入太學肄業所交皆天下士年踰七十始選澄城教諭性真樸和易侍諸生若子弟士親之若父卒於官貧無以殮友人為助之著有蓮溪詩集行世

白玠程直皆秦州人以孝稱玠母喪將發引墓在渭北橋狹不可行玠內河哀號一夜冰堅可履渡極過後冰即解人以為誠感為勒碑記其事直九歲喪父鞠於祖母既長事祖母盡誠竭力舉足不忘慈訓雙敬之至人以方晉李烈乾隆中公舉順孫焉

王世科秦州人幼家貧自鄉徙城賣餅養親而寬厚喜施里中呼為王善人與禮縣石運福相友善運福貧甚世科為娶妻且割宅居之有趙氏子寓宅於世科世科憐其無歸析宅之半居其老母

妻子者八十年又喜問字讀書子璋孫汝揖後皆入州庠為佳士曾孫庚乙亥恩科副貢生

趙慈秦州人讀書工文藝適新疆迪化州開館教授積十餘年旅

棠漸克遂周貧濟急鄉人至閭外者則傾囊飲助嘉慶中始歸則家業轉豐子孫皆成立矣孟汲汲行善事春夏間日作麵餅斗許於路旁散給行通諸村農戶貨糧必獨息贍給里黨中皆呼善人為

雷攀桂字林一秦州世族也三歲喪母稍長思母不置夜讀倦寢忽見母形旦語以祖母田具道其狀田泣曰真而母也自此歲時薦獻必悲泣竟日十三居父喪哀毀過人以早失怙恃事兄澄天如父兄性剛待攀桂極嚴值其戚怒則長跪請罪兄怒解乃敢起至老猶然子二宗介宗俾皆州庠生

孫著業字子明秦州人嘉慶初川匪頻擾鎮著業負母伏巖穴中為賊搜獲號泣告哀賊感而釋為其母受驚成疾疾壘罔不得吐著業截筒投母喉吸其痰而唾出之居母喪期年無笑容長孫耀祖早孤蒙著業教之入庠其事祖極誠孝居鄉敬老愛眾信義手物鄉人化之少年無犯齒遊蕩者過客或遺財物村人必為追還之曰孫先生囑也

孫文裕秦州人家貧而能孝父怒則長跪引咎色霽然後敢起繼母嘗患瘵疾夜尤痛甚文裕卧母足下終夜扶掖拊摩如是者數年母卒哭過哀淚盡而繼以血時有同里監生武應東白環里苟天賜皆以孝繼母稱天賜早失恃為繼母所撫事之如所生以至老應東有二兄而繼母膳羞拜具皆獨任之兄子某以忤應東繫

於官官將置之法應東詣公堂自承失教之咎注涕為請乃得釋
武安邦趙恢省秦州人鄉人嘉慶初川匪竄擾民以避賊失農業
久皆乏食安邦出已積百石按戶分給事平後里人具羊酒登門
備償安邦笑曰囊無公等我家糧皆為賊有矣委之賊而家破何
如歎之眾而偕存况我避難在堡添生兒孫如許天之償我甚厚
敢復責償於人耶顧指揮孫登瀛曰此後物亦天所以償我也卒
卻之不受恢家無餘資而好施舍村東有往來要路巉巖壁立河
水衝激其下每夏秋雨漲涉水者多常臨溺岷岷夫鑿石剝崖成
道行旅德之時又有例貢生趙恆昇者亦於戊辰春出粟養八莊
飢民盡五月乃止

李復字來心秦州閬子鎮庠生嘉慶初教匪擾州西境復急督眾
築北堡堡成鎮人賴以得全同治回匪之亂復孫凌霄以庠生充
團總繕堡修戰具二年五月與寅木川監生陳鳳蕭伏虎軍功肇
林率所部二十人與賊戰石嶺關殺賊數百林與西鄉各寨團首
王世魁韓學張高甲長等二十七人皆戰死凌霄獨全歸而退

武略秦州生員嘉慶四年川匪竄擾其村眾皆奔避略端坐不動
賊至以大義叱責之賊奇其狀脫又壯其胆好語誘使從逆略
益憤罵遂遇害時有同里武所居北鄉歲貢陳陶皆為賊所擄罵
賊被戕與略並入祀昭忠祠

石明順甲皆秦州天水里人嘉慶川匪之亂二人各率團丁剿賊

深入被圍殲殺數賊而死甲戰益官之高陵力竭死之事聞並入
祀昭忠祠同時有北鄉民人熊友諒亦率眾禦賊眾皆潰獨持劍
鏑擊傷數賊而死

劉璵秦州訓育生嘉慶教匪之亂率眾擇山險築堡工未竣突
至圍攻璵教眾拋石擊賊賊始退後賊數來堡外皆率眾擊走之
州牧以事上請給五品頂戴璵同時有從九仙瑤庠生郝德懋者
瑤父子戰賊黃家山賊退而村得全德懋充南原堡團總賊至率
丁壯奮擊去則勦裴謝武論功亦受上官褒賞而石家川李增芳
亦率眾築四稜山堡賊每來攻軌據隘路等退飢賊破家齊求里
無鐵人

吳廷揚字仲聲秦州人嘉慶六年以舉人大挑補廣東開平知縣
盜皆遁迹詳增學額再署新安械鬥風息調東莞值大疫為捐俸
製藥全活甚眾**光緒元年**引見以同知分發江蘇尋署上海至則
勸捐賑饑民得蘇息上官保奏儘先補用遂以疾疾乞歸吳士贈
詩送行者百許

賈師達秦州耆賓金輝北鄉團總師達於嘉慶初教匪犯境圍堡
堡人皆恐師達雖垣下見其魁其魁壯之今尋路遂引賊沿渭而
下州境賴以安堵尋乘間逃歸師達於同治間見賊在堡下掠人制
衣正言責讓之賊目佟姓者本土人也聞言自愧為禁掠止攻臨
去呼輝謝曰君長者也某亦當自覓歸路矣後有陝客來秦佟姓

致書問訊蓋已投戈棄商焉

仇映衡字南觀揚守愚字省齋皆秦州舉人均以教授終而內行尤篤映衡嗜讀深於經術居家篤孝友誘掖後進接引忘倦治討古文能探入奧竅國一時推為宗匠守愚勿失恃事繼母委曲祇奉能轉乖戾為和平篤愛幼弟諭教懇切其教人循循善誘不棄愚塞於科舉利鈍指導尤能曲盡論文必先正名家不沾沾時尚晚年主講天水書院文教日浸盛焉

關應年字喜亭武登瀛字琢之皆秦州庠生均以善教聞應年教嚴整尤以通經為務內慧善知人童蒙初來學即豫決其終身家貧食指極繁操履潔布袍襦食以終身於生徒清貧者皆賞其修金無所問登瀛少聰穎嗜學既入庠學益深造嘗慨天水古大縣今乃淪為僻鄉人不知書以興教移俗為己任設科訓蒙勸誘廣納貧者錫其束脩尤貧則給之紙筆予之茶飯弟子成名者百計南鄉文教自此聞州士之以善教稱者嘉慶後有貢生王建緒曹瑞其教法略如應年登瀛云

常啟魁秦州東鄉人有勇力應募為州營兵嘉慶中換防出關積功為提督將上官皆奇其胆略數閱外將材者必先之帝部退寇騎領隊大臣置酒延啟魁對飲且許叙功保薦因啟魁大言觸忤遂匿不以聞以參將終於邊

蕭尚遠韓得乾周丕顯等可法張人傑皆秦州人均以施濟得名

尚遠當荒歲於村外空宅蓋棚施湯飯自春至夏運糧瀕百石不金則稱貸繼之全活者眾里人於施飯處建坊表德得乾丕顯各出粟百餘石

馬鎮瀛字海峯由歲貢歷官靈台教諭渭源訓導靈渭兩邑自經兵燹民鮮知讀書鎮瀛至加意興學由是文風漸振士林頌之子樹勳廩貢生孫元春丁酉拔貢又州人朱光前世居從政里家貧好學為大姓投徒遂入庠軍興避入城仍為義學師生徒益眾多

王尚概字季平秦州人研經汲古搜集漢唐說經之書所得甚博

精論說能自抒其所見為文亦古勁不俗應道光丁酉鄉試貢場三藝皆以五經詰題同考官陳世鑑極賞之以為首薦榜發僅中副軍第一己亥錄遺對駁刪詩之說謂東周廢采詩官風雅之

散扶聖人蒐羅之惟恐後但為次其年世正其殘編無所謂刪也學使者駭其言竟黜不送科自是遂絕意進取生平著述甚富

新領異一哀於正武成張謝為之序所著十三經堂集卷之六卒也長安隱士盧翰銘其墓

王承烈字耀烈學曾皆秦州人承烈以祖母失明棄學奉侍居

母喪哭不成聲先祖生忌日必具衣冠奠薦哭泣至老猶然耀烈母有疾早晚為捶背不離左右者數十年學曾二歲喪父嫡母

鞠之成立事母愉顏下氣既壯猶若孺推傾蓄積建崇坊以彰母

節三人皆通光中以孝子旌表

張化鵬秦州人以軍功補靜寧協外委道光二十一年英兵犯浙
江內洋隨大軍協剿二十二年二月戰於慈谿入之大寶山力戰
陣亡

潘尊賢字宏堂舒鈞子播若皆秦州人同以舉人官縣令均著循
聲尊賢耽讀勤苦博極羣書以大批授知縣居署江而上高萍鄉
弋陽廣豐縣事補進賢調安義所至以剛斷為治尤務革污俗剷
積弊培士風汲汲為之如求所嗜以保薦晉五品階然以不事權
要竟坐此落職鈞性謹重讀書勤苦類尊賢鄉舉後援豫工例得
官陝西知縣攝鎮安署平利勸課農桑增置義塾風化大振改署
郿縣臨潼與文教如平利尋補石泉次年改榆林兼攝懷遠咸豐
中對調三原純以德化民尋內升通政司知事遂引疾徑歸

迎祥姚必泰皆秦州武舉齊特楊三連皆秦州營校也迎祥効
力督標以騎射冠等拔補周原左營千總咸豐壬子征湖南與太
平軍戰於長沙府十馬舖手長稍殺數人敵軍攢刺之整冠大罵
而死必泰以泰安沉千總從征河南擒匪破賊於汝寧府花果營
窮追深入遇伏戰歿特三連各由州營馬兵以技勇擢授外委補
經制同時派赴湖北剿賊戰死武昌城外事年後與迎祥必泰皆
給一子廕襲入祀昭忠祠而州營馬兵武生王斌亦以是年從征
江南戰歿揚州三里橋州人以文職死王事者又有劉芳李同舟

芳以典史解餉大營歸途遇敵抗節而死同舟以縣丞委督慶陽
火藥局帶局勇守涇州城中鉛子捐軀姚舉吳得喜皆秦州武弁
舉以武舉從征陝西湖北山東直隸等省身被重創官至涼州鎮
中營遊擊得喜以材技選充勁勇隊長驍勇善戰積功荐保參將
奉調赴平番剿賊積勞病卒

王得義秦州人幼喪母繼母楊與其父不睦得義出入相勸百計
調和二親卒歸於好父卒後楊欲改適得義懇懇奉養母戚而為
之耐久更應惠若所生為叔父某喜聞好博得義嘗饋酒食獻衣
履以感悟之叔遂改悔自新里人具其事上聞旌之咸豐以來與
得義先後舉報孝行者又有王居易白鳳袁存敬蒲得成雷震西
魏玉堂王制徐萬魁田潤馬舒梓李映桂劉建唐劉長源李舉安
映桂建唐事繼母竭誠敬舍梓亦善養繼母而侍父疾近十載餘
長練侍父疾舉安侍母疾皆二十餘載不懈萬魁因母疾改醫書
楊如桂字穀菴聶瑩思字誠一皆秦州人如桂以舉人大批知縣
分發四川唐署隆昌大邑樂至郿縣納溪所至皆頌神明引見出
都卒於旅寓瑩思以監生肄業太學充內閣供事以勞授府經歷
分發山東委理曹州府屬賑務屢勸鄒縣水災所至漁蠶悉絕調
赴高唐大營差遣保升知縣加同知銜咸豐十年署昌邑縣事擊
賊有功解任後委署府縣二局積案勞劇疾歿而卒二人皆以吏
事知名

弟煥典由拔貢官山東知縣有吏才

劉榮基字耀川王日智字純菴孝舉字元夏皆秦州人咸同間皆任教職榮基由廩貢議叙訓導歷署平羅伏羌渭源等縣學事回匪犯渭源城屢被圍榮基佐縣令守禦勤力不懈城將陷遣族孫某改裝出避榮基整冠服北向再拜自經於大成殿西廊下事聞予贈裝如例日智以舉人任靜寧州學正同治初元回匪犯州境破堡焚村惡缺益張回智上書當道陳賊請狀且曰某雖年逾七旬良心未死目覩生民塗炭不忍不以上聞當道雖不能用論者壯之舉道光間舉人積學負文譽家居教授生徒最盛以礪伯縣訓導歷署安定平番等縣學篆所至用經術為教同治初署臨西教諭適防勇喧鬧偽傳賊已入城舉其冠服將就義旋聞非賊而止論防禦功係加監提舉銜尋解任卒

劉述先字子明秦州庫生馬康衛字先瞻同族歲貢生也述先清貧勵操生平無干請乞官事巡察富人疑之如恐浼論事亦缺杜不阿同治初巡通林之望委司軍需出納嶙然不沾一錢叙功為保知縣不仕卒康衛與兄登衛皆積學教授為學徒所欽重憤同族之煽亂具狀請出回籍改景教遂率其徒漢紳王訓等募貲修築城垣趣治守具提督曹克忠招至營與軍書諭歲保舉訓導未選而歿

汪潤乾張寬俱秦州人年皆九十餘潤乾以孝行旌表寬持躬順

諫鄰里化之年之日晨起整衣冠仰臥家人問之曰今日我將去然天熱不可出門當須晚涼至申哺時果卒人皆異之而南鄉天水里尤多耆壽君子楊國川年可有三十楊富川年九十八楊賦川年九十六楊慶孝故財年皆九十二董復孝年九十四田福張大運皆已九十大都孝行無虧者也

甄繼庭秦州人庠生學以孝悌為先鎮人念其德義同治初集眾築南堡僅成賊至昇礮欲攻之一賊諫曰此堡有仁人不可攻杜遇秦秦州人篤於倫紀年六十母猶在堂使溺穢器皆親承進滌除不假家人依依膝前若孺子然母歿後兄弟皆年近八十朝夕必同席對餐友愛之狀遠近稱羨卒年九十餘子白雲州增生有文名孫樹植充繡辛丑舉人

張慶麟字雲卿其先自三原遷秦州道光庚申成進士以知縣分發直隸請假旋里倡捐重建文廟值肅上兵起州牧留襄防務時州城圯損慶麟傾家財輸工費眾感其義又協力集貲應時工竣通商謀保薦聖解不受同治四年赴直隸需次委司承德府獄局事樹決明聰定州有大獄累年未決上臺命慶麟往鞠一訊而結康龍之聲遂聞於畿輔署廣平未赴以疾卒同官皆憐惜之王祐字篤生秦州人天資英爽工於詞賦回亂久停院試未嘗廢讀同治癸酉入庠即得拔萃甲戌朝考以知縣分發湖北歷署大缺均著循聲未嘗任卒

郭鳳鳴字瑞岐秦州北鄉石佛鎮人幼與吳西川齊名用為州牧

重來康公所讀校為文下筆言立就時日為仙才年十三入州
學成豐戊午科鄉捷游幕於涼西禮部不第後捐例得知縣試
分山西久之不得志以同知改四川唐署定遠縣石埭打箭爐廳
史事勤敏當襄獻於涪州有月餘清積案八百起長子世炫孝而
才早毀鳳鳴以憂慟過疾時方借補通判未奉部復而卒年六十
八貧不能歸觀其塔狀道李鏡清偽葬成都鳳鳴楷離顏趙
行書逼近何子貞所著薇花館詩文集數十卷後散佚後數年
有王祐字篤生者中城人俊邁不群亦不易才也工書長於韻語
歲考東柯草堂一賦贈矣士林尤以詩鐘著名由拔貢朝考以知
縣用唐署湖北廣濟等縣以落俗不諧俗迄未補實以終其後入
有楊俊字秀琴守愚之繼子也任在官具昌主謝天水書院每閱
生詩文歎為一日千里不能測其所至生平未親此才也其殯也
輓詩四章極憐惜焉

維連魁秦州武舉從征江蘇保花翎都司同治回亂巡道林之望
妻帶秦安勁勇屢戰有功四年率所部援寧遠堡城屢卻賊九年
十二月陝賊竄北鄉堡寨多殘破連魁奉檄賑恤難民瘡痍肉散
存種鄉民稱焉咸同間武弁知名者又有姚舉吳得喜舉以武舉
從征陝西湖北山東直隸等處屢被重創官至涼州中營游擊
得喜以材技拔充勁勇隊長號勇善剿精功為保參擢奉調赴平
番剿賊積勞病卒

羅錦章字綢若秦州庠生繼作鎮字伯吾關西貢生皆以博學善
教名重一時錦章氣重宏達性情疎爽家甚貧窮而絕口不言利
惟學學以教人為樂事其誦論透閱豁人心目雖至愚頑一經啟
迪漸歸省悟知以遠大自期故及門入庠登第者統計約六七
人主事任其昌主龍南謝席嘗謂文理味由師教不明惟自綢
門下來者理境清晰知師承有自也子三佩蘭綢庠生作鎮自幼
鎮靜篤實勤學不倦家亦貧不汲汲於治生其教人先令多讀書
用靜細功學規謹嚴不少寬假從游者愛而畏之故凡功功切實
文名卓著者皆出其門下咸同者州人論善教者咸指羅繼為
二難云作鎮子承緒光緒乙酉舉人孫同高丁酉拔貢

王治平字允天秦州庠生王樹松字鶴亭歲貢生皆以家貧教授
成就多材治平幼有至性敦孝友學規謹嚴惡世風不古弟子有
衣服奢侈必嚴戒之使一歸質樸是以游其門者皆循循雅節晚
年門人頌德庶曰樂如賢父子梓山儒生樹松性嚴重有學行動
於訓徒至老不倦來鄉入庠登第者半皆出其門下教法亦類治
平而間於聰明則過之子建璵光緒間歲貢
武時可字際亭秦州庠生戶可升字書庵庠生均和平樂易年逾
七十手不釋卷時可喜讀周易可升尤喜讀南華家本寒素均以
為耕鋤口凡知文皆受教之

徐慶字雲五秦州人性嚴重不苟為笑語以文行重於時

秋闈執周遂絕意進取專心教授門下提南宮者數人而迎慶竟以諸生終

為奇秦州人賣油糊業雖幼穉亦不敢欺某年臘底有盜入其室持其錢匣去奇尾其後過市中無一言漸至城外僻地奇左右視適無人於盜後長揖呼之曰子同歲暮同耶我送汝歸起米矣盜驚顧捨去奇仍呼之曰子來可持錢去盜尚疑之奇遂同起啟匣鎖呼盜展衣襟受錢數掬而去明年奇在家前盜錢匣者忽持錢千餘送還且感謝奇即偕至酒肆與之飲終不受其錢其人遂改行為善云

劉通元字青峰秦州人道光己亥副榜咸豐初孝廉方正性孝友周舍指嚴議析產讓伯兄分獨廬處弟姪輩不從以大義勸之皆聽命同治初同亂作奉委辦事關防務動慎趨公協雜軍糧事解而民不擾後署平涼縣教諭未逾年即告歸值歲飢竭力賑恤及卒家用不足反從親友貸粟舉喪葬子肯堂字子法光緒己卯舉於鄉居主柳湖南安襄武原泉諸書院講席課士有方見稱當事生平與物無競然跬步不苟頗能自立云弟廣生尚堂為名諸生子兆瀛光緒卯登舉人

吳西川字蜀江秦州北鄉廷揚孫也同治庚午北闈舉人辛未成進士改官編修居家友愛忍讓其伯兄潤川以豪侈破家西川事之綢繆終身無怨言撫養諸弟親教之學諸弟既長反顧廣背產

西川盡以世業付之自取圖書數事而已聰慧淹雅工文善書寫於朋友故不以才學先人在詞館以疾卒士類惜其有必芳吟館文豪一卷必芳吟館詩草一卷必芳吟館外草一卷偶一吟草一卷端雪小草一卷

寄迎喜秦州人同治初回匪逃至迎喜負父芳出逃賊追搦及芳命舍已逃走迎喜固不釋手芳怒捷之終不去賊至先刃其父迎喜伏父身適獲與父俱死後有白映瑞馬東時寄負母逃難映瑞給賊以置母安處願出黃金相奉既寄母他望乃徒手出就死東時年已老遠負勞劇至嘔血而猶不懈焉

孫精業秦州人母侯氏患癱瘓手足不遂精業侍奉勤劬晨為著衣昏為解衣朝夕二膳背手著送食多方體恤始終不懈即使溺則負之如廁便已即為漱洗如是者歷二十年同里閭稱杜瑛皆篤於內行楷字樸如庠生幼失怙三年不忍聞父書牘日而之而泣母疾思食介一夜行百里覓獲以進事伯叔父與兄皆恪謹兄殁園形而奉之事嫂几歲恭奉每夕為子姓誦小學必令家人婦女環膝平時端坐氈上以氈未正命子正之乃瞑嘆父亡母出幼鞠於祖事祖至孝出外依期必至或以事遺怒必和顏引咎不解則長跪婉請起而嬉戲以娛之或為拂拭背脊衣襟必令歡笑乃已在外得異味必齋歸進之祖病時飲食皆手調不令妻治里人稱之

曹啟元旅湘皆秦州人啟元早喪父諸兄皆前卒事母極誠勤孝
應德若孺然有補其孝增壽十祀之過湘年二十喪母繼母
受前夫二子增湘於其父父母常謀殺湘湘潛出外力作積錢百
許執市時菜甘果或父母嗜食之物以進伏令則急趨達怒則跪
謝久之親意漸回遂為父子如初侍疾勤勤居喪盡哀為母前子
娶婦成室待之如親弟兄壽至八十五

王應麟秦州庠生父卒後繼母史雖愛所生子誠實而惡應麟應
麟受弟乃益罵日出樵採夜伴弟苦讀誠實之飽煖飢寒皆審視
而調適之史見乃喜又嘗慕老萊子斑衣娛親事百方作態以博
母歡喜兄弟同居友愛至老又同里有崔仕祿者善事繼母道光
末舉孝行得旌又有陳鳳翥者母性悍戾常曲意祇奉務轉暴為
和和遇則伺隙婉諫即遭怨受楚弗憚也

劉懷秦州馬河灣人李潔芳石家川人懷家貧無貲業與弟袋日
乞食養父得麤則自暇稍者則奉親晨夕問安必垂手正立父便
溺必親承接父嘗語人以自喜潔芳幼有孝行父歿當隆冬時籍
薄草卧地百日不知凍母年八旬篤疾在牀溺器糞腑皆進承傾
瀉不假妻僕手時有樵子尹元元者為薪養母有儲錢則購肉以
奉而已常枵腹力得食以精者奉母粗者自啖又有農夫辛元
善者父老癯病思食烤肉與衣買進同治七年大飢穀物踊貴日
治盛饑奉父而以賤價詭對父乃歎然下箸事繼母亦盡心曲奉

父喪在殯地忽大震家人皆奔出元善扶柩長號曰兒在此父勿
驚房壁尋外傾柩竟無恙

張育剛秦州人同治同亂父集熟為賊執育剛哭趨賊營乞以身
代賊感之即釋其父而繫育剛密室以千金要贖一夜賊將移營
命盡焚室屋育剛奮身一號所坐土炕忽塌遂從炕門蛇行而出
炕門狹小固不容入身前者以為神佑焉

王開元字乾一秦州人鄧雲字雲華州南人曾孝悌而好施閭
元八歲喪父駕糖餅以養母得一味必踴躍親長益勤為諸姪早
孤撫之盡心力為延師督訓出資創立宗祠歲時率族人薦孝如
禮嘗濟孤貧助婚葬冬月見凍者輒買薪給之以義行元鄉飲者
實子健康生姪佐汝賢皆登科第雲家故饒少聰慧嗜學為孝友
父以厥居鄉雲不時趨省往返勞瘁不少怠事叔父如父侍從

弟如弟與弟皓友愛尤篤同治七年大飢雲節口食出粟賑濟
活者眾敬禮師儒迄老不倦子七南琦歲貢署教職南邦諸生向
英乙酉舉人選授西和縣訓導

汝來鳳秦州庠生從弟監生皆鳳岐鳳皆好義舉鳳來嘗出見故
人子洛泊在市呼至家出其父賢田宅各籍盡與之時鳳充里
局紳主會北八鎮運夫免孤寡老弱者數百家善州營遊擊田某
呈請永光里民營役鄉人德之岐鳳業商同治七年大飢出錢千
緡給北鄉佃戶又假商肆錢三百市北馬以付鄉民等息累百積

錢數于絲專以烟窮急不作他用
 愚貢生周勵政民人陳銘重玉成皆秦州人勵政父病癰疽瘡侍疾者莫得其意指唯勵政能先意迎承晝夜不離寢室者踰年父歿蓋敬兄愛弟事無巨細皆稟兄命而行親喪遂絕葷酒以終身銘早孤事母盡心力母所嗜味晨夕必備陳母目暗而耐幽處時負之出遊問母所欲往雖遠必致之族人有孤孀貧乏者銘為給服食供其子讀書且為娶妻以俟其成立玉成嘗餅為生而事兄福成如獻父每旦負餅出歸時必持肉餉兄兄早餐畢將出散步則置錢數十於其囊備是日果餅之用或察其用盡則續置之如此者三十餘年福成卒一慟而殞竟以狂易卒

李具才劉三旺皆秦州人具才出嗣李父嗣母憎之並及媳趙動加筆楚而孝敬不衰趙氏尋以凌虐死具才復與後妻拮据營養口不言母過伯父老而喪子具才養之如父叔父某卒具子幼弱為厚葬而撫其子三門皆賴以立三旺六七歲時與曉夷鬥爭聞父母聲即止同治中回寇至村母嫂皆溺於水三旺泅水中負母挈嫂出逃賊追溺及呵問何不倉去答曰母生則生母死則死終不能舍也賊敬其孝護而歸之又有白旗寨楊轉桂者行乞養替母與母言必作笑容賊至寨舍妻負母而逃卒得俱全後復遭賊為所獲賊置諸櫛而切之櫛斷而頭不傷人謂孝行得陰佑云
 劉妙字見三秦州人性謙謹篤於孝歿父年時約過抱先府既聞

聞之痛哭投床下者數次水漿不入口母反復泣諭始進飲食遇母有不憚長跪請故俟復悅後起中年精方術視疾先貧而後富雖歲暑劇寒弗避七旬後目漸蒙有問方者口授孫輩書以付之晨夕炷香默誦金剛楞嚴各經並誦說丹桂籍令家人環聽之遇貧寒加意憐恤值朔望令節祖父諱日必具衣冠肅拜迄老猶然年八十有五卒于光祖內戊戌進士刑部主事

下世才秦州人九歲失怙後娶王氏夫妻事母皆孝歿母臨終謂曰墓間荒涼夜來怕人世才對曰母勿慮兒當伴母葬之夕負杖出城家貧不能為廬曠野孤身衣雪餐風拱立墓所終夜誦經天明方歸又作餬口計凡百夜邑孝子朱煦齊聞而嘉之為講說字義漸知書後精醫術子亦入學

磚窰某磚工逸其姓名秦州人兄弟二人相口角往酒肆對朋友剖白是非弟曰兄自來作踐我兄曰當汝一兩歲時吾抱汝懷中或架諸頂上汝溺水滿我身時我便作踐汝也其弟聞之忽失聲哭叩頭請罪兄弟遂相好如初

張思恭字壽臣秦州西閩人同治癸酉復育早失怙恃每遵佳節輒動哀思終其身如一日依兄處友于彌篤同治中回亂作聚斂城防善恤民情故人樂為用咸獲保全嘗督輸軍糧以為眾倡值亂又施粥以濟平居杜門謝客惟主事任其昌來訪則款接講論終日初就教職既卒遺囑信縣訓導孫鳴珂序生

成其深秦州北鄉石佛鎮人性篤友于教弟其高習武歸營歷保
主花翎都司同治七年回匪匪堡其深率子鈴及姪齡出走中途
度不能兩全乃舍子而挈姪齡獲免鈴遂被害後鈴中光緒丙子
武舉鈴弟權會榮領皆其深督課之力卒年七十四

董俊和董成和者兄弟也王進前王有前亦兄弟也皆秦州青石
里人同治二年二月監官賊團侯堡里人起圍往救遇賊寺門川
俊和槍斃二賊進前刺一賊墮馬賊團殺之成和救兄決鬥有前
執鎗刀衝陣所斫盡仆久之皆死是戰也俊和族人長和發烏槍
連殺賊目董莊尚以連松棍擊傷數賊皆被賊眾攔刺而死又有
王益五及弟尊五安五者亦兄弟相助久戰力竭被賊而益五族
人王才章王有偉王丁王二哥王成武王世才陳族則陳有年陳
積俊叔姪皆同時斃死積俊與丁同被擒跳呼憤罵賊剖其心肝
才章死尤壯烈也

韓世祜秦州南鄉韓家山人同治二年四月賊圍其堡久不解世
祜欲出說賊眾沮之不從勸以解兵歸順賊徒皆笑因引義醜嘗
之賊縛之去子壬辰見父被擄挺身往救亦為所縛子婦陳氏憤
窮與夫之不返也尾之而罵皆見殺越三日堡竟陷同堡有韓順
者堡陷先期率眾出戰不敵死堡陷後族人韓士威韓士哲韓甫
韓福泰韓嘉忠韓聚良韓謙韓百川韓德順韓啟祥韓俊義等猶
巷戰殺賊力竭皆被支解死

劉登禮劉寶皆秦州南鄉人同治二年五月率各莊烏槍手數百
起持監官賊眾韓興悍賊十餘槍斃韓興皆死之是年二月青石
里圍取不取間進攻監官有安德勝者挺身前導同烏槍斃數賊戰
以眾潰德勝獨蹀血轉闕至青華山約彈俱盡被重創死

安玉堂武欽皆秦州青石里人玉堂好學篤行事繼母稱孝同治
同興州收托克清河邊行誼之士二十餘人為各里團總玉堂其
一也欽亦以公直見推為團總三年三月二人率眾數千剿高樓
堡賊眾被圍戰亡欽手大槍斃一賊殿後而死其姪三樂見欽被
害深入決鬥亦死之同死者童生安贊克武童武衛民人武秉直
劉天元侯廷盈辛奎娃富增安趙雙元石萬川並入祀昭忠祠同
時有東關團首張汝賢楊偏頭皆率團轉戰取濟被擒分裂肢體
以死而天水里張懷玉張步雲韓家莊亦同日戰死之監官之稱
沉河

王世魁秦州關子鎮團長也同治三年五月率眾禦賊石廟關
用烏槍連斃二賊戰久力竭項臂中槍而死團丁戰死者高叙得
甄中罕甄瑞趙丑時江李四娃王三十二何恒義張惠龍王朝庚
韓學張生海王紀院張改改安發榮盧道奇而西鄉之李登李雲
張問行王虎任水娃鄧向陽南鄉亦有富士雄王天周高福劉朝
海元角重臣可義張小四李五鼎李丁哥師張來李升榮唐俊
武生張增德西和人羅丕亦皆與監官賊拒戰極猛烈也用時州